

Warmakunapaq Chuya Qellqa



Noemantawan
sinchi parawan
runakuna
chinkachisqa
kasqanmanta



Kaytam qellqaykamurqa: Edward Hughes

Dibujonkunatam ruwaykamurqa: Byron Unger; Lazarus
Alastair Paterson

Warmakunapaq hinam tupaykachimurqa:
M. Maillot; Tammy S.

Siminchikmanmi tikraykamurqa: Hugo Garay Aucapuella

Qamkunamanmi chayaykachimusunkichik:
Bible for Children
www.M1914.org

©2020 Bible for Children, Inc.

Autorizasqam kankichik kay yachachikuykunata mirachispa hukkunaman
chayachinaykichikpaq, ichaqa manam imaraykupas rantikuwaqchikchu.



Noéqa Tayta Diosta
kasukuq runam karqa,
wakin runakunam
ichaqá Diosta cheqnispa
mana kasukuqkuchu.



Huk punchawmi, hatun
manchakuypaq castigota
rimarispan Tayta Dios nirqa:
"Kunanmi tantearuni llapa
runakunata kay pachamanta
chinkachiyta", nispan.



Chaymantam Noéta
nirqa: "Qamtawan
miraynikikunallatañam
salvasqaykichik", nispan.



Diosmi Noéman willarqa manchakuypaq
sinchi parawan kay pachapi tukuy imatapas
puchukachinanta. Chayraykum kamachirqa:
"Gofer sachamanta hatu-hatun arcata ruway,
chaynapi qanpas, churikikunapas chaynataq
llapa purun animalkunapas salvasqa
kanaykichikpaq",
nispa.



Imaynam ruwanantapas Diostaqmi
kamachirqa, chaynapim Noéqa
kasukuspan chaylla ruwayta
qallaykurqa.





Imaraykum
chay hatu-hatun
arca ruwasqanta
runakunaman
Noé

willakuptingqa
lliwmi
burlakuspanku
asipayarqaku.





Chaywanpas
Noéqa hinam ruwarqa.
Runakunamanpas
hinataqmi
Diospa

kuyapayakuyninmanta
willakurqa, paykunam
ichaga mana uyariyta
munarqakuchu.



Noéqa Diospim llumpayta hapipakurqa, chaykamaqa manam haykapipas paramurqachu, chaywanpas Diospa Diospa nisqanpim iñirqa. Huk punchawmi arca ruwayta tukuruspan apaykunanpaq tukuy imakunatapas alistayta qallaykurqa.




Hinaptinmi purun animalkunata Dios
pusamurqa. Wakinmantam qanchis paristakama,
wakinmantañataqmi iskay paristakama.



Urpikunapas taksa hatunmi, chaynataq purun
animalkunapas uchuy hatunmi, Diospa qayakuyninta
uyarispanku arcaman yaykuyta qallaykurqaku.



Runakunaga animalkunata arcaman Noepa
qaykusqanta qawaspapas burlakurqakum,
hinaspankum Diospa contranpi aswanraq
huchallikurqaku. Arcaman yaykunankupaq
Noé qayaptinpas manam yaykuyta
munarqakuchu.





Llapa purun
animalkunapas
chaynataq llapa
urpikunapas
yaykuyta
tukuruptinkum,

Noéta Dios kamachirqa:
"Qanpas, chaynataq
churikikunapas arcaman
lliw yaykuychik", nispa.






Hinaptinmi
warminwan
kuska Noé
yaykurqa,
churinkunapas
warmintinkamam
yaykurqaku. Yaykuruptinkum
arcapa punkunta Dios
wichqarurqa.



Chaymantam
paramuyta qallaykurqa.
Manchakuypaq sinchi param
tawachunka punchaw
tawachunka tuta
chayamuspan kay pachata
pamparurqa.





Laqtakunatapas
taksa hatuntam yaku
pamparurqa. Para usyaramuptingqa
orqokunapas yaku ukupim
pamparachikurqa, chaynapim imapas
kawsayniyuq kaqqa lliw puchukarurqaku.





Maynam kay pachaman yaku
huntasqanman hinam arcapas
yaku hawanman hugarikurqa.
Cheqaptapas sinchi parapiqa
tutayaymi kay pachata
pampaykurqa, arcapas kayman
chaymanmi manchakuypaqta
kuyurqa, chaywanpas
Noetawan ayllunkunatam
sinchi parapi wañunankumanta
waqaychaspan Dios salvarqa.



Kay pachata yaku pampasqanmanta
pichqa killanmanmi, rupaq wayrata
Diosninchik pukuchimurqa, chaynapim
allimanta yakupa chakisqanman hina,
Ararat orqopa hawanman arca
tiyaykurqa.




Arca tiyaruptinpas Noéqa
tawa chunka punchawraqmi
arca ukunpi karqa, chaynapi
yaku chakinankama.



Chaymantam Noéqa arcapa ventananta kicharuspan
huk cuervochata kachaykurqa, chay cuervom ichaqa
tiyananpaq mana tarispan arcaman kaqla
kutiramurqa.



Huk semanatawan suyaruspanmi Noeqa huk
palomatañaataq kachaykurqa, hinaptinmi



chay paloma kutiramurqa
olivospa rapinta
picochanpi aparisqa. Huk
semanatawan suyaruspanmi,
hay paloma mañana masta
kutimusqanrayku, Noé
yacharurqa allpa
chakirusqantaña.



Chaymantam Noéta Dios kamachirqa
arcamanta lloqsinankupaq, chaymi
Noépas, ayllunkunapas chaynataq
llapa animalkunapas lloqsiyta
qallaykurqaku.



iMayna kusion qam Diospa
salvaykusqanwan Noé
tarikurqa! Chayraykum
huk altarta ruwaruspan
paytapas,

ayllunkunatapas
chay
manchakuypaq
castigomanta
salvaqnin Diosta
yupaycharqa.





Chaymantam
Noéman huk
sumaq promesata
qospan Dios nirqa:
"Manañam runakunapa
huchanmanta kay pachapi
tukuy imatapas

sinchi parawanqa
puchukachisaqñachu",
nispan. Chay promesanta
cumplinanpaqmi,
kuyayllapaq chirapanta
señalta hina Tayta Dios
churaykurqa.



Chaymanta qepamanmi
Noépas chaynataq mirayninkunapas
yachanankupaq sumaq allpakunata
tariykurqaku. Tiempopa risqanman
hinam, mirayninkuna kay pachata
kaqmanta huntaykurqa.
Kay pachapi llapallan
nacionkunam
Noépa

churinkunamanta
paqarirqa.



Noemantawan sinchi parawan
runakuna chinkachisqa kasqanmanta

Kay willakuyqa Diospa siminpa utaq Chuya
Qellqapa partenmi

Kay willakuymi tarikun

Genesispa soqta kaq rakinmanta
chunka kaq rakinkama

"Simikimanta yachachikuykunaga achkirinmi."
Salmo pachak chunka isqonniyuq rakinpa pachak
kimsachunkan patachaynin



Tukupaynin



Kay willakuymi tukuy atiyuniyuq Dioninchikmanta rimapayawanchik,
payqa unanchaqninchikmi, chayraykum reqsiykunaykita munan.

Diosqa yachanmi mana allinkunata ruwaq kasqanchikta, chaykunatam
hucha nispa sutichan. Huchapa pagonqa wañuymi, chaywanpas Diosmi
anchata kuyasusqaykirayku sapallan churin Jesusta kachamurqa, paymi
huchaykimanta castigasqa kaspan cruzpi chakatasqa wañurqa.
Chaymantam, wañusqanmanta kawsariramuspan hanaq pacha wasinman
kutirqa. Sichum Jesuspi iñikuspa huchaykikunata pampachaykunapaq
mañakunki hinaptinga pampachaykunqam, hinaspanmi qampiña
kawsakunqa, qampas paypiñataqmi wiñaypaq kawsakunki.

Sichum chay cheqap kasqanta iñinki hinaspaqa, Diostayá kaynata
mañakuy: Ancha kuyakuq Jesús, iñinim qamqa Dios kasqaykita,
huchaykunarayku wañunaykipaqmi runayaykurqanki, chaywanpas
kunanga kawsachkankim. Mañakuykim sonqoyman yaykuykuspa
huchaykunata pampachaykunaykipaq, chaynapi musoq kawsayniyuqña
kaspay qanwan huk punchaw wiñaypaq kawsakunaypaq. Qampa churiki
hina kawsaspay simikita kasukunaypaq yanapaykuway. Amén.

Chuya Qellqata qawaspaykiyá Dioswan sapa
punchaw parlay. Juan 3:16

